

**Palpebrarum tumores cystici : casusque specialis magni tumoris  
steatomatico-scirrhosi e palpebra superiore et orbita feliciter nuperrime  
extirpati ... / respondente Christ. Theoph. Weber.**

### **Contributors**

Weber, Christian Theophil.  
Mauchart, Burchard David, 1696-1751.

### **Publication/Creation**

Tubingae : Litteris Erhardtianis, [1750]

### **Persistent URL**

<https://wellcomecollection.org/works/es5gzzs5>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

PALPEBRARVM  
TVMORES CYSTICI,  
CASVSQVE SPECIALIS  
MAGNI TVMORIS STEATOMATICO-  
SCIRRHOSE PALPEBRA SVPERIORE ET  
ORBITA FELICITER NVPERRIME  
EXTIRPATI.

---

CONSENTIENTE GRATIOSA FACVLTATE  
MEDICA,  
PRAESIDE  
BVRCARD. DAVID.  
MAVCHART,  
MED. ET CHIR. D. CONSIL. ET ARCH.  
WIRTTB. THEOR. PRAX. ANATOM.  
ET CHIR. PROF. ORD.  
RESPONDENTE  
CHRIST. THEOPH. WEBER, Micro-Bottvv.  
PRO LICENTIA  
SVMMOS IN MEDICINA HONORES, ET PRIVILEGIA  
DOCTORALIA RITE CAPESSENDI  
PVBLICE VENTILATI.  
D. NOVEMB. A. MDCCCL.

---

TVBINGAE  
LITTERIS ERHARDTIANIS.

МУЛАДЕНЦА  
ПРОСВЕЩЕНИЯ

СОПЛЯТОГО

АТАКА МОЛЯРНОЙ

ПРАЗДНЕЙ

БУЛГАРД ДАВИД  
МАЧАНЯ

ИЗ АСТРАХАНСКОГО ГОРОДА  
СИТИЛЫХОВА КАКИМОВ  
И ЧИРМОЛОВОГО

ЧИРСИ ТНЕГЕН УБЕР МИО-БЕЛА  
ПРО ДИСИКА  
АДЫГИ И МЕДИНА-НОНОЗЕС, И ПРИЧИГИ  
ДОЛОДАЛА СИСИ ПИСАНИЕ  
И МОНДА НА МОСКВУ

БУЛГАРД ПРИЧИГИ



### §. 1.

**P**alpebras oculi humani, superiorem ac inferiorem, quid vocemus vulgo notum est. Quod vero constent communibus integumentis valde tenuibus, musculo orbiculari, utramque cingente palpebram, (& superior suo insuper attollente, seu elevatore musculo, ac ductibus glandulæ lacrymalis excretoriis) limbo cartilagineo, tarso dicto, pilis ciliaribus ornato, & denique in superficie interna gaudeant tunica vasculosa, conjunctiva palpebrarum dicta, atque glandulis Meibomii sebaceis, quibus omnibus per sua vala arteriosa, venosa, lymphatica ac nervos abunde prospicetum sit, id quidem in præsenti tractatione præsupponimus magis, quam pro dignitate prosequimur.

### §. 2.

*Subsunt palpebræ variis non modo in genere præternaturalibus affectibus, sed etiam in specie tumoribus: cœdemati, hydatidi, emphysemati, erysipelati, phlegmonæ, furunculo, apostemati, anthraci, fungo, scirrho, cancro occulto, chalazio, hordeolo, meliceridi, atheromati, steatomati.* Seligemus hac vice pro themate dissertationis tumores sic dictos cysticos palpebrarum, id est peculiari, proprioque conclusos

folliculo, quorum communiter tres faciunt species, meliceridem, atheroma, ac steatoma.

§. 3.

*Meliceris, μελικηρίς, componitur ex μέλι, ιτος, τὸ, mel & κηρίον, ε, τὸ, favus, cerea cellula, mel recondens. Veteribus ergo ac recentioribus est tumor, in peculiari tunica vel capsula includens humorē melli similem, quoad consistētiā, e cuius incisa & aperta cystide, humor non secus ac mel e favo effluit. a) Hippocrates quidem noster Cous b) meliceridis mentionem faciens, dubium reliquit, quid ibidem per μελικηρίδα in articulis factam intellexerit? an crassi humoris redundantiam, quae nec per sudores, nec per urinam expurgetur, sed in articulos decumbat, hisque, ut asserit, vel claudicationem afferat, vel meliceridem? anne ergo vel verum, quem hodienum vocamus, abscessum, loco puris, meligeno, crassiore humore refertum? an liquorem glandularum, quas recentissime quidem detexit, & hoc nomine appellavit, Havers, mucilaginosarum, in cavis articulorum obviarum, inspissatum, quin denique induratum? an vero tumorem, qui articulos, gerua maxime, extus aliquando circumcidet, fungosum, & in loculis suis vario humore lento, tenacique scatentem? an vero, quod proprius huc spectaret, similem humoris glutinosi, pellucidi, proprio inclusi folliculo, collectionem circa articulum, qualem observavit olim Præses in summitate genu viri cujusdam Parisini, & quam Celeb. Chir. Dn. Gerard feliciter extirpavit, significaverit, dubium est? Male vel interpretes & commentatores in loco hoc Hippocratis adsuunt explicationem meliceridis per abscessum, illam-*

a) Galenus L. de tumoribus præternaturalibus p. 83. b. (vid. not. nostram c.) it. de method. med. C. 12. Aëtius Tetrabibl. IV. Serm. 3. c. 6. 7. Paul. Aeginet. Encheirid. tot. med. L. 6. C. 36. & L. 4. C. 34.

b) Hippocr. Prophetic. L. 2. §. penultimo in Edit. Foës. operum Hippocr. dicto Libr. 2. p. m. 113.

illamque ad abscessum, tanquam genus suum revocant, cum in textu originali ne verbulum de abscessu occurrat. *Galenus* dicit, c) meliceridem, atheroma, & steatoma ab aliis referri ad abscessus, ab aliis vero ad aliud genus: horum vero affectuum naturam patere ex ipsis nominibus, quatenus materiam contineant vel melli, vel pulticulæ vel sevo similem, ut plurimum vero tunica quadam membranosa omnia hæc contineri. Meliceridis vero acceptationem æquivocam esse, & aliquando etiam sumi pro ulcere capitis cutem perrendente, quod proprie ~~xngior~~ vocatur, patet ex Aëtio atque Celso.

§. 4.

*Atheroma*, derivari ab ἀθέρα, vel ἀθηρην, quod genus esse pultis frumentaceæ, statuunt *Galenus*, *Paulus* d) aliique, & hinc atheroma vocant, quod materiam contineat pulti similem. *Steatoma* vero, derivatur a σεῖρ, ατος, τὸ, sebum, quando tumor cysticus materiam sebo analogam habet: vid. Autores modo allegati. Quamvis autem in ejusmodi tumoribus tunicatis præter tres illas contentorum species, multifaria etiam reperiantur alia, substantiæ vel solidæ magis, vel fluidæ, e.g. concrementa solida cartilaginea, ossea, arenulosa, gypsea, calculosa, corpuscula teretia quasi vermiculosa, globulus pinguedinis, glomer & nodus ex implicitis pilis, mucilago instar spermatis ranarum, liquor fluidus coloris lixiviosi, vel spissior instar fecis vini &c. qualium exempla vidit *Præses* in propria praxi; tamen recte haec tenus substiterunt recentiores medici in triga specierum, ne multiplicarent entia præter necessitatem, & in eo convenerunt a posteriori, ut propriam membranam sive cystidem, quæ diversam materiam contentam includeret proxime, cunctis adsererent, licet eam *Galenus* tradiderit (§. 3.) ut plurimum tantum adesse. In steatomate quidem

c) Galenus, ex edit. Juntar. Venet. 1609. in fol. tert. classis Libror. Galen. de tumoribus præternaturalibus C. 5. p. 83.b.

d) Paul. Æginet. Encheirid. tot. Med. L. 6. C. 36. Galen. meth. L. 14. C. 12.

dem, quo magis grandescit, eo magis obliteratur, & distincta non occurrit amplius ea tunica propria, quæ in principio & in minore steatomate distincta adfuit, sed confunditur, complicatur, arctissime cohæret, aut denique ob nimiam distensionem crepat, atque dilaceratur, quod quidem rarissime fit, uti plus semel in eorundem vel extirpationibus, vel sectionibus hominum, alio morbo defunctorum, sed tumores cysticos hic ibi, extus vel intus, alementum, deprehendit *Præses.*

## §. 5.

Facile distinguuntur tres hæ tumorum cysticorum species, ab emphysemate palpebrarum, quod diffusum hoc inferat tumorem, aëreum, sive flatulentum, pressioni cedentem, sed cito redeuntem, quique aliquando sonum sibilumque hinc reddat: ab ædemate, quod hujus tumor pariter totam occupet palpebram, sed mollis sit, & vestigia impressa servet aliquandiu: ab hydatide, sive vulgari, quæ lympham continet pellucidam, sive speciali, quæ abs Celso, Galeno, Paulo &c. inter singulares palpebræ superioris recensetur affectus, & proxime infraglandulam lacrymalem ordinarie occurrens constat pinguedine in globulum, & singularem massam coacta, quod vulgaris hydatis per elatam vesiculam, tenui vestitam tunica, transluens facile agnoscatur; specialis vero altera hydatis mollem, inæqualem, & pressioni retrocedentem efficiat tumorem; cum vero talismodi hydatis pinguedinosa proprio inclusa fuerit folliculo, quod per nonnullorum authorum descriptiones haud obscure videtur innui, tunc uti nulla fere re differt a steatomate, ita nec distinguitur. Difficilius autem a se invicem distinguuntur, antequam aperiantur, meliceris, atheroma, ac steatoma; steatoma quidem majorem tactui duritiem offert; meliceridis vero liquor contentus, etiamsi fluidior, folliculum suum ita tendere solet, ut a crassiore atheromatis humore vel pulte non facile dignoscatur, nisi foveis impressis citius resilientibus. Neque vero magni interest, respectu curationis, an meliceris sit, an atheroma, tumor ille palpebræ?

## §. 6.

## §. 6.

Phænomena atque *signa* cæterum habent *communia*. Cutis superexpansa hisce tumoribus cysticis ordinarie debitam servat coloris, crassitie, ac mobilitatis qualitatem. Aliquando tamen, & per notabile tumoris augmentum, vasa cutis fiunt varicosa, color naturalis mutatur in rubro-lividum, substantia incrassatur. Nullus vero dolor, nullus rubor inflammatorius infestant. Principium exile est, ciceris vel lenticulae magnitudine, incrementum tardum, successive tamen, & per annos notabile, aliquando stupendum, ut hinc demum, si palpebrarum externæ magis parti inhæreat, pondere suo & mole incipiat molestare, palpebram superiorem deprimere, bulbum oculi obtegere, ejusque motum elevatorium impedit, quin tandem radicibus in orbitam diffusis, sede sua expellere, & oculi prolapsum efficere, affluxum & inflammatoriam stasin concitare.

In palpebra inferiore autem, & externe magis innidulans atque augescens tumor cysticus, illam attollit, tarsum invertit ac *Entropium* parit. Quemadmodum e contrario, si tumor internam magis superficiem palpebrarum obsideat, tunc in inferiore *Ectropium*, in superiore hiantes palpebras, denuodatum a palpebra superiore bulbum maxima parte, molestamque frictionem, gravationem, irritationem bulbo impingit. Omnes basin habent ordinarie latiorem & immobilem, ac dum tenues sunt, parum vel extra cutim, vel tunicam palpebrarum conjunctivam prominent. Quando aperiuntur, aut post extirpationem examinantur, materia eorundem contenta variæ, quam supra (§. 4.) declaravimus qualitatis se manifestat, benignæ ut plurimum naturæ, & rarissime cum aliquo fœtore conjunctæ. *Folliculus* vero proprius a potiori instar validæ, albo-rubescens se tunicæ habet, quæ extus undique mox tenacius, mox leviter, vicinis accrevit partibus, & vasa sanguinea recepit tam arteriosa quam venosa, plus minus notabilia ac copiosa; intus vero in meliceride ac atheromate, superficiem in aliis aliam exhibet, æqualem, vasculosam, granulosam, albam, rubro-lividam, nigricantem: in steatomate ubique

ubique concretam arcte cum suo contento sebaceo, lardo, scirrhoso, sic ut in majore steatomatis augmento non possit bene distingui propria cjsdem tunica.

## §. 7.

*Prognosis.* In universum uti dolore, sic periculo carent, nisi vel grandescenti mole aggravent, comprimant, ac orbita expellant bulbum ocularium, palpebræ inferiori incumbentes, hanc tumefaciant, bulbum irritent, velum quasi corneæ prætendant, visumque impedian: vel emollientibus intempestive in fermentationem suppuratoriam, aut cathæreticis in inflammationem, quin & cancrosam malignitatem præcipitentur. Diu & per annos seb lento eorundem incremento impune & citra molestiam gestantur, sola deformitate molesti: quo autem vel latiores vel profundiores, vel maiores, vel tarsis palpebrarum sunt propiores, aut internam magis palpebræ superficiem infestant, eo quoque sunt difficiliores in operatione, & tractatione chirurgica. Dum exiles sunt, & in principio, auscultant aliquando remediis, atque topicis pharmaceuticis, & blandæ frictioni diligenter repetitæ. Raro in suppurationem deduci possunt emollientibus, imo ordinarie non debent. Causticis vero exesi, nimiam aliquando irritationem, affluxum & malignitatem induunt cancrosam. Si quando etiam videantur ex usu talium disparuisse, non minus recrudescunt, & nova capiunt incrementa, ac si post folliculi incisionem, apertioñem, mundificationem, vel extirpationem, pars folliculi remanserit.

In operatione extirpationis per imprudentiam aut temeritatem laedi facile possunt ac discindi *mox* musculus palpebræ superioris elevator, unde paralysis hujas palpebræ, respectu elevationis, induceretur: *mox* tarsus, unde difficilior consolidatio, ac palpebræ inæqualis & rugosa expansio, resultaret: *mox* glandulæ lacrymalis excretorii ductus super palpebra superiore commeantes, unde congestio & stagnatio liquidi lacrymalis in sua glandula; bulbo autem oculi in anteriore superficie siccitas inferretur: *mox* glandulæ Meibomii sebaceæ, unde liquidi eorum oleosi & sebacei secretio & excretio turbaretur,

baretur, tarsi exsiccarentur, nitor corneæ descisceret &c. aut ophthalmia conjunctivæ palpebrarum efficeretur. Ceterum *cysticus tumor internæ partis*, maxime loco altiore palpebræ superioris, id non modo difficultatis habet in operatione, ut digitis ac instrumentis eo non liceat pertingere, sine gravissimis impedimentis, sed & post excisionem, aut quocunque modo factam tumoris extirpationem, corneæ aliqua labes facile affricetur, aut palpebra cum bulbo concrescat.

## §. 8.

*Pathologia.* *Affectus* ad morbos conformatioonis pertinet, auctæ magnitudinis, quoad omnes dimensiones, ad tumores. *Subjectum morbi* sunt stamina fibrosa, membranacea, cellulosa tunicarum, musculorum atque vasorum palpebrarum, quæ succos & liquores earum naturales, lymphaticos, serosos, sanguineos recipiunt detinentque, a crassi & qualitatibus suis naturalibus desciscentes, inspissatos, extravasatos, coagulatos, induratos. *Causa* tumorum horum cysticorum *materialis* varia est, supra indigitata, plus minus vel liquida, vel solida: *causa* vero *efficiens* proxima, impuritas, spissitudo, eaque vel seroso-sulphurea magis, vel mucoso-terrestris, vel fibroso-solidescens, stagnatio, extravasatio, successiva congestio sanguinis ac seri, quibus correspondent, tanquam *subjecta causæ*, arteriarum lymphaticarum advehentium, venarumque diameter mutata, infarcta, obstructa, compressa, atque tandem in steatomate concrescens, atque solidescens, unà cum liquoris sui contenti incrassatione, ac induratione magis magisque aucta, manentibus interea aliis vasculis paulo liberioribus, patulisque, quib[us] & ulterior liquor pro vegetatione & augmento affertur, atque pars aliqua, eaque mobilior, fluidior et tumore resorbetur iterum, crassior vero remanet.

*Causæ remotæ* sunt omnes eæ, quæ massam humorum successive talismodi particulis viscidis, salino-sulphureis, coagulantibus inficere possunt. Accedit ipsa palpebrarum perpetua & naturalis expositio ad aërem externum frigidum, humidum, stringentem, inspissantem, nec minus cutis palpebrarum tenuitas, & pinguedinis absentia, quæ alias vim &

actionem aëris moderari possent, ac infringere. Si præcesserit, ut aliquando fit, injuria quædam externa, iætus, contusionis &c. qua canaliculi & fibræ distorqueantur, lacerentur, humorum stasis ac extravasatio successive inducantur, fundamentum mali, tumoris cystici, ponitur.

### §. 9.

*Therapia.* Indicationes sunt: tumores hos 1.) dissipare, ac insensibiliter resolvere: 2.) eorundem concrementa inhibere: 3.) extirpare, incidere, abstergere, excindere; 4.) vulnus operatione inflictum consolidare, ac cicatricem, quam fieri potest, minime deformem inducere. *Indicationi primæ*, discussioni scilicet, & resolutioni insensibili, quam aliquando incipientes atque exiles hi tumores admittunt, inferviunt, præter generalia tam interna, quam externa, laxantia, purgantia, venæ sectiones, cucurbitulæ scarificatæ in dorso, humerisque, medicamenta aperitiva & incidentia, (quibus vero enumerandis jam supersedemus) quam maxime etiam topica, discutientia & resolventia: Saliva, item urina tepida hominis sani: sacculi & epithemata, vel sicca vel humida, in vino leviter ebullita, e fl. sambuc., melilot., lavend., HB. hyffsop., Sem. fœnic., croco, camphora, hæcque interdiu, & frequenti repetitione, denuo calefacta: noctu autem Empl. de ran. c. ȝio Vig.- diabotan. cum aliquibus guttis ol. philos. malaxanda, vel Emplast. de gum. ammoniac., diaphoret. Myns. Resolutionem hanc non parum quoque adjuvat frequens & lenis frictio.

### §. 10.

*Indicatio secunda* præcipit impedire tumoris ulterius incrementum, si nempe tentata resolutio insensibilis minus e voto successerit, & vel æger, vel tumoris magnitudo ac qualitas incisionem & extirpationem non admittant. Atqui vero licet morari potius, quam penitus impedire incrementum, præcipue si tumor in notabilem jam evectus fuerit molem; tentare tamen oportet, affluxum nimium ad partem affectam moderari, revulsiones & evacuationes per intervalla instituere, purgantibus, diaphoreticis, sanguinis ventilationibus: dyscra-

dyscrasiam humorum corrigere, diætæ ac regimini convenienti studere, emplastris tumorem munire desiccantibus, leniter adstrictivis, uti est Empl. diapalm., vel de lap. calam. vel de minio & similibus. Spes hinc affulget fore, ut aliquatenus & aliquandiu saltem intra cancellos retineatur tumor.

## §. II.

Qui vero curationem tum maturare, tum *radicalem* atque *constantem* tentare voluerint, illi *ad tertiam indicationem* apertioris, vel incisionis tempestive se accingant. Incruento & mitiore modo negotium hoc aliquando succedit e *veto*, si, quod suadet Dn. de Woolhouse vel pulveris cantharidis unius tantillum, vel globulus emplastri vesicatorii e cantharidibus parati, tumori applicetur, seminis milii, vel capituli acus capitatae mediocris, diametro, ut sic excitata vesicula cutim aperiat, perforetque successive, quæ tum inter digitos blande compressa, foramine facto eructet materiam qualemunque contentam. Ne vero latius se diffundat vesicantis remedii vis, emplastrum e. g. diapalmæ, e pluribus constans stratis, & sic spissius redditum, in medio perforatum, sive quod vocant fenestratum exili foramine, tumori est applicandum, & intra illud immittendum remedium vesicans, aut escharoticum, suprà vero obtegendum emplastri hians orificium nodulo e gossypio & fascia molliter circumducenda est palpebris clausis, & angulis oculi pariter gossypio obtectis, ut ne ex vesicula excitata & crepante serum acre intra oculum depluat: ob quam rem pariter, quando hæc vesicula forfice aperitur, & sub qualibet secutura deligatione ægri caput resupinari, & versus angulum oculi externum declinari debet.

Vesiculæ hujus excitatæ suppuratio, quemadmodum alias post applicita solet vesicatoria, debet protrahi quantum licet, imposito betæ, butyro recenti perunctæ, folio, vel folio hederæ arboreæ recenti, vel emplastro diach. c. gumm. Intra octiduum, nisi totus evanuerit tumor, vesicula nova, priori scilicet jam exsiccata, simili modo iterum est excitanda, & in manatione seroso-purulenta conservanda. Majorem energiam exercet semel iterumque instillata in fenestram em-

plastri supra memoratam, gutta sequentis aquæ, (nisi quidem nimis diluta videatur,) quam *Woolbusius* commendat: ex aquæ fortis ʒj. aquæ plantag. ʒij. Immittitur hæc vel ope calami straminei, intincti, vel penicilli, ægri capite valde resupinato, & observatis circa deligationem supra laudatis cautelis; unde similis consequitur excoriatio ulcerosa, quæ unguento digestivo ordinario, vel mundificativo de apio, basilico &c. post sufficientem suppurationem & plenariam tumoris consumptionem, ad consolidationem denique, ope emplasti de lap. calam. perducenda est atque cicatricem. Sed methodum hanc non habere locum in tumoribus cysticis, quæ internam magis partem & superficiem palpebrarum occupant, nemo facile erit, qui non perspiciat.

### §. 12.

Ait, si neque hæc methodus recidivam, & nova tumoris incrementa præciderit, superest refugium ad incisionem, & extirpationem tumoris cùm suo folliculo, id quod per tertiam indicationem (§. 9.) suasimus. Hæc vero *extirpatio dupli* perficitur modo & fine: *altero*, ut per solam cutis & folliculi incisionem, tam pateat liberior egressus materiae contentæ, quam applicatio cathæreticorum, & mundicatoriorum, quibus & folliculus successive consumatur, & ulcus inductum detergatur: *altero*, ut tumor unà cum sua cystide semel atque simul extirpetur funditus.

*Prior modus* sic se habet: cutis & folliculus ipse tumoris lanceola inciduntur ac aperiuntur, ea longitudine, quam tumoris magnitudo requirit, transversim, id est, angulis incisionis respicientibus angulos oculi, materia contenta emititur ac exprimitur confessim, quantum licet, & diductis vulneris labiis fundus folliculi sparficitur vel penicillo, spiritu salis ammoniaci cum calce viva parato, aut spiritu vitrioli vel solo, vel cum melle remixto, imbuto, vel unguento Ägyptiaco, vel lapidis infernalis attacku, totumque vulnus linteo carpto sicco repletur, obtegiturque emplastro defensivo, e.g. de spermate ranarum, pulveris croci, & camphoræ refracta dosi, atque oleo rosaceo malaxato, splenio sive gossypio

pio ac fascia continente. Si metuatur inflammatio, aut acrior superveniat dolor, imponatur cataplasma e medulla pomito-sti, & cum croco & camphora in pultem redacta. Deligatio per sihoria, vel octihoria repetatur, ne acris ichor, quem plorabit vulnus, in oculum destillet. In secunda tertiaque deligatione, novum, exempto priori, immittendum est vulneri linteum carptum. Post hæc vero illinantur & imbuan-tur undiquaque fundus & latera folliculi tantillo unguenti fu-sci Fel. Würzii, vel Ægyptiaci, unguento digestivo ordina-rio remixti, & nodulus olivaris (bourdonet) e linteo carpto, similiter imbutus, ingeratur: unde si rite procedat sup-puratio, & cystidis consumtio, fundus ulceris magis magis-que contrahetur, angustabitur, aliquando etiam secedent fibræ, & ramenta folliculi, atque roseus vividusque suc-cre-scentis novæ carnis color hinc exsplendescet, & plenaria tan-dem consolidatio methodo absolvetur ordinaria.

Secus si fiat, denuo ac crebrius atteri ac consumi debent parietes interni cystidis, repetitis vel prioribus cathæreticis, vel aliis, vel & cauta scarificatione parietum folliculi, me-diente tenui scalpelio. Hanc methodum præfert Maitre-Jan, e) alteri, quæ plenariam & simultaneam imperat excisionem, quo-niam hæc in praxi non ita facilis sit, quam quidem Theoreti-cis videatur.

### §. 13.

Verum enim vero *radicalis folliculi excisio*, non modo no-bis, per rationes a priori & posteriori ductas, f) omnino possibilis videtur, dummodo tumor non nimirum altas egerit radices, aut se luxuriose diffuderit, sed & aliquando necessaria esse, cum partes internæ palpebrarum obfessæ vix admittant, aut

e) Maitre - Jan Trait. des malad. de l'œil P. 3. c. 12. p. 554.

f) Vel solus Petr. de Marchettis tria suppeditat exempla feliciter exsectorum ejusmodi tumorum tunicatorum ex angulo oculi in-terno, & ex interna parte palpebrae inferioris, in Obs. 21. 24. 25.

aut nonnisi ægerrime ferant attactum aut vim cathæreticorum. Sic autem adornanda erit hæc extirpatio cystici tumoris, sub palpebrarum cute eruendi atque excidendi: scalpello ancipite myrtiformi, vel alio, probe scindente, cutis ope digitorum elevatæ fit tanta, quantam exigit tumoris magnitudo, transversa incisio; id est, angulos oculi recta respiciens, simplex, nunquam, nisi in summo necessitatis casu, decussata aut crucialis, ob cicatricis futuram deformitatem, cavendo, ne folliculus in illa cutis incisione simul pertundatur. Si gravior suborta hinc hamorrhagia impedit ultra progredi, fovendum prima die est vulnus aliquandiu, decocto tepido herbæ veronicæ & meliloti, deinde ad vesperam linteo sicco obtegendum: mane subsequenti prosequenda excisio, & remotis linteis carpti impedimentis, arripiendus est atque attollendus folliculus, mediante vel volsella, vel hamulo, vel trajecto mediante acu curva filo dupli cerato, caute ab adhærentibus vicinis partibus, scalpello, vel, quod in non valde magnis fecit Petrus de Marchettis, forfice, separandus ac exsecandus totus.

Præcipit Woolbusius statim ab hac excisione instillare aliquot guttas opobalsami, sive balsami de Mecha, & linteum, balsamo Arcei imbutum imponere, hancque vulneris curationem per sihoria repetere, sicque totum negotium tribus absolvi delegationibus contendit. Fieri id posse concedimus, si avellanae magnitudinem non excescerit tumor, si post folliculi separationem sanguis non fluat vel copiosius, vel diutius: certius autem fieri posse asserimus, si post laudati balsami instillationem labia vulneris adducantur spleniolo oblongo, emplastro bene glutinante obducto. Si prægrandis fuerit tumor, totamque non modo palpebram occupaverit, sed etiam longius se diffuderit atque profundius, tum multo magis feriam induet operatio faciem, magno labore, multis molestiis, bulbi ocularii, quin ipsius vitæ periculo non vacaturam. Casus specialis, quem subiectemus, docebit, qua methodo tum sit procedendum? eo igitur nos referimus.

Ceterum

Ceterum quod Dn. de St. Yves g) jubeat in excisione talium tumorum *cutim* digitis elevatam *supra tumorem forfice abscindere*, tanta latitudine, quantam dimidia tumoris diameter constituit, sequendo directionem plicarum, sive rugarum palpebræ, id quidem dupli respectu facere videtur; altero ut magna tumoris superficies uno ictu denudetur, altero, ut pars cutis, quæ post excisum folliculum, redundaret, statim auferratur; Sed in tumore molis exiguae facile & cito fit ejus sufficiens denudatio per scalpellum, neque cutis ita redundant post folliculi exsectionem, ut disformen pariat & rugosam cicatricem, sponte scilicet se contrahens, qua parte laxior fuit ex distensione: in majore autem tumore, cutis non facile tantum & æqualiter attolli potest, aut forfex apte satis applicari, quin vel non satis de cute amputetur, vel ipse folliculus simul corripiatur, & intempestive aperiatur. Utcunque etiam acuta fuerit forfex, dolorem infert majorem, quam scalpellum, nimiumque, vel non satis, agit, unde illam nec in radice tumoris resecanda, nisi e petiolo pendeat, adhibemus: aliquando etiam cutis, firmissime adhærens tumori, se non patitur attolli.

## §. 14.

Hactenus dicta pertinent a potiori ad tumorem a fronte aggrediendum i. e. in superficie palpebrarum externa, inter integumenta palpebræ, & musculum elevatorem, vel orbicularis, si vero ille teneat regionem earum internam magis, hoc est, inter tunicam palpebræ conjunctivam, & musculum orbicularem, invadendus erit potius a tergo, versus aversam palpebræ partem, præsertim si insideat palpebræ superiori, & loco quidem paulo altiore: quamvis enim in palpebræ inferioris superficie interna inhærens tumor non adeo reluctetur priori excisionis & extirpationis modo, neque etiam hinc tanta difficultas immineat impediendi concretionem præternaturalem hujus palpebræ cum bulbo oculario, tamen in palpebra superiori

---

g) De St. Yves des malad. des yeux, p. 121. similem quidem modum jam docuit Aëtius.

riori cuncta premuntur multo majori difficultate, immo in utraque palpebra post excisionem tumoris interni, illud se ob-jicit incommodum, quod & tumor nonnisi cum metu læsionis oculi, hamulo vel volsella elevari possit, & scalpellum sub operatione in oculum facile impingat, tarsum, vel glandulas Meibomianas lædat, & suppuration post excisionem subsecutura labem corneæ queat affricare.

Ratio autem, quæ nonnullos authores, ipsumque etiam *Woolbusium* adegit, ut internum & profundius insidentem tumorem alia quam incisionis & exsectionis methodo impugna-verint, hæc est, quod reformident, quæ per profundam ex-cisionem inevitabilis videtur, læsionem ac dissectionem mu-sculi palpebræ superioris tam elevatoris, quam orbicularis, imo & tarsi, tunicæ conjunctivæ, & glandularum Meibomii, sicque totius palpebræ discissionem & perforationem, unde malorum, supra jam allegatorum ilias propullularet.

### S. 15.

Itaque *alio modo* sic procedit *Woolbusius*, & incisioni ac ex-cisioni substituit *setaceum*: acus curva, plana, anceps, justæ magnitudinis, duobus minimum, distinctis, non contortis filis tenuibus, e gossypio paratis, qualia ad ellychnia vel ti-balia contexenda solent adhiberi, aliquot spithamas, quin ulnas longis, instruitur; palpebra superior, quæ acu hac tra-jicienda est, una cum inhærente tumore stabilitur ope digi-torum, ei utrinque versus angulos oculi appressorum; Acus infigitur, ac transfigitur prope angulum oculi externum per integumenta palpebræ, inter fibras carneas & tunicam ejus-dem conjunctivam, ac, directione obliqua & declivi versus angulum oculi internum observata, erumpit & educitur in latere opposito circa angulum oculi internum, filaque per acum transmissa in vulnere servantur, eorum vero extremitas acui proxima liberatur ex hujus foramine, aut abscinditur, altera longior extremitas in glomerem convolvitur, & mediante emplastro agglutinatur vel tempori, vel fronti, vel alio loco, quem subsecutura suppuration non inundet.


Extra-

Extrahenda dein quotidie est pars filorum, intra vulnus  
cruore ac pure inquinata, versus angulum internum, & for-  
fice rescindenda, ita tamen ut nova pars filorum longior, in-  
tra vulnus promovenda, illinatur prius unguento digestivo,  
& in foramine vulneris opposito transpicere, sesqui pollicis  
longitudine sinatur: bina vulnuscula obteguntur emplastro ex  
unguento rosaceo, atque hac methodo intra 15. dies ex vo-  
to percurari tumorem ejusmodi cysticum, notabilis etiam  
magnitudinis, asseverat supra laudatus Woolhusius, id insu-  
per monens, ut, si transversim, sive juxta longitudinem pal-  
pebrae trajecto setaceo, musculi ejus attollentis discissio me-  
tuatur, setaceum iniciatur potius perpendiculare, sive per  
altitudinem palpebrae, ab ejus margine versus supercilium.

Quodsi etiam metus, quem *Nuckius* atque *Bassius* injiciunt,  
e simili setaceo, quo hordeolum, & chalazion sive grando  
palpebrae a nonnullis tolli jubentur, fundatus sit, de allicien-  
dis hoc modo magnis doloribus, inflammatione, affluxu, tu-  
more; huic tamen obviam ire licebit non tantum prævia per  
purgantia, venæ sectionem &c. præparatione, sed etiam  
mox ab injecto setaceo applicitis topicis, quæ leniant, quæ  
repercutiant atque resolvant, remediis; Si vero ipse follicu-  
lus acu filisque illis adhibitis perfodiatur vel studio, vel casu,  
medius, tantum abest, ut mali quidpiam hinc augurari, quia  
potius tanto feliciorem ac certiorem folliculi consumtionem  
suecessivam & materiei, in eo contentæ, evacuationem spera-  
re oporteat, liceatque. *Dubitamus* tamen vehementer, *stea-  
tomati*, quod duriorem, compactiorem in se habet, & soli-  
dam, imo scirrhosam materiam, hanc medendi rationem cum  
successu felice, aut constante effectu convenire.

### §. 16.

Supereft ut ultimæ tandem *satisfaciamus indicationi* §. 9.  
nimirum *laudabilis inducendæ cicatricis*, post tumorem vel ca-  
thæreticis, vel excisione, vel setaceo sublatum. Ut bellam  
vero cicatricem procuremus, danda est opera, ut æqualis sit,  
lævis, mollis, non eminens, nec sulcata, nec in profundum  
excavata, nec rugosa. In facie, atque sic etiam in palpebra-



rum cute, præsertim eo est annitendum; ideoque in ipsa cutis exesione, & incisione, nec vulnera, præter summam necessitatem, sunt facienda vel nimis ampla ac longa, vel numero plura, utcunque enim hæc obducantur denique laudabili cicatrice, vestigium tamen relinquunt, vel sola majore albedine, quam reliquæ cutis, pristinæ læsionis.

Duo etiam præcipue heic cavenda sunt vitia in palpebra superiore, ut ne cutis ejusdem remaneat vel laxa nimis & pendula, aut quasi inflata, vel strictior & decurtata. Illud facile evenit, si cutis præmago tumorí olim superexpansa non absindatur tempestive, quoisque redundat; hoc, si nimium de labiis vulneris cutaneis deperdatur. Si incisio longior, & ab uno cantho ad alterum usque sit facienda, hæc in summitate potius, paulo infra supercilium infligenda est, sic enim sub illa eminentia orbitali arcuata occultatur facilius inducta cicatrix, & absorbetur quasi per plicam cutis palpebræ naturalem: immo si perpendicularis insuper incisio sit adjungenda, quæ priorem ad angulos vel rectos vel acutos decusset, tum inter pilos superciliares velabitur minimum superioris incisionis cicatrix. Itaque post sufficientem suppurationem adductis ad se invicem magis magisque labiis vulneris, eisque, si jam in extremo occaluerint, recentibus redditis per affictum lapidem infernalem vel subtilem scarificationem, balsamicis ac desiccantibus agendum est, lenibus quoque per imposita spleniola compressionibus, eaque per strata emplastrorum imbricata, methodo, quam infra (§. 28.) descripsimus. Talia vero emplasta, aliquandiu post formatam jamjam cicatricem, quotidie repetita, sunt continuanda, neque cicatrix novella præcociiter libero aëri exponenda. Singularem jam casum illum, quem ante aliquot menses sub manibus habuit Præses, spectantibus Philiatris omnibus, thema hoc dissertationis non parum, quod speramus illustraturum, superaddimus.

### §. 17.

*Anna Maria Geigerin, e pago Gross-Eislingen, præfecturæ Gœppingensis, æt. ann. 24., bene colorata, habitus corporis torosi, ceteroquin sana, si dolores aurium, dentiumque, quos plus*

plus semel experta est, excipias, aliâs vero, ut refert, parce ac raro menstruata, & jam a trimestri plane non. Muniis inter hæc servilibus strenue semper defuncta: ante 10. vel 12. annos monita est, ipsa non advertens, de *corpusculo*, pisi magnitudine, non rubente, nec dolente, quod sub cute, *palpebram superiorem dextri oculi occupaverat* fere medium, proxime infra arcum apophysis orbitalis ossis frontis, absque omni prævia, ipsi cognita, sive externa sive interna causa. De malo, ipsi nullatenus molesto, minus sollicita, nihil opposuit parvis hisce magni mali principiis, donec post lustri decursum, tumorem hunc, lentis incrementis adauctum in nucis usque juglandis magnitudinem, chirurgo cuidam pagano commiserit, qui, abscessum, vel aliud, nescio quid, exemptu facile suspicatus incisionem suscepit, sed emanante non nisi copioso sanguine, deterritus festinavit inflicti vulneris quam potuit ocissime consolidationem.

*Crevit dehinc successive tumor*, versus interiora orbitæ procul dubio magis, quam ad exteriora; nam eodem tempore, quo externe conspicuus erat nonnisi mole nucis juglandis, ante 7. scilicet annos, expressit tamen bulbum oculi e sua orbita, ac sic dictam oculi procidentiam effecit, unde hic crepans, summis cum dolorum tormentis, manationem serosam ac purulentam reliquit per 14. dies, donec bulbus jam longe contraria factus subsederit, & coaluerit iterum vulnus ejusdem: ad idem vero tempus usque, ut visus successive decrevit, crescente tumore, sic post modo dictam bulbi crepaturam atque suppurationem, deletus plane est, ac perstigit abolitus. Denique nuper a hyeme velox & notabile, quin stupendum, & spectatoribus nauseabundum cepit tumor hic incrementum, imo vel ultimâ, ante susceptam haud ita pridem extirpationem chirurgicam, hebdomadum biga, exiguo igitur temporis intervallo majus atque majus sensibiliter accepit augmentum.

### §. 18.

Unde Proceres Gœppingæ, mulieris miserti, *Præsidem* hujus Disputationis oravere, quin exorarunt, ut, cum varii & Medici & Chirurgi manum admovere operi non aude-

rent, ejus susciperet curationem. *Is* cōram adspiciens atque explorans ægrotam, *observavit* tumorem occupare totam non modo regionem palpebræ superioris, ab uno ad alterum oculi angulum, sed & sub cute per radicem nasi ad alterum vergere oculum, sanum, visuque præditum perfecto, lillumque magna parte obtegere, dextramque palpebram superiorem sic deprimere, ut plane non potuerit elevari, oculusque, quod vocant, aperiri: imo supra marginem orbitalis processus ossis frontis eminere pollicis latitudine, sic ut tumor hicce media sui parte, qua fuit crassior, & quasi ventricosus, magnitudine pugnum virilem excesserit.

*Figuræ* autem fuit irregularis, & e tribus fere globis, quorum maximus in medio eminebat, fastigiatus, minor versus nasum inclinabat, alterumque oculum sanum, minimus ad canthum oculi externum, compositus. *Cute* obductus fuit *integra*, nullibi vel inflammata, vel excoriata, vel exulcerata, sed *vasis varicosis*, calami anserini fere amplitudine, atro cruce infartis, ac in *cute* livescentibus, ob cuniculos nonnihil elevatos inæqualiter turgida. *Dolor* tumoris nullus, vel spontaneus, vel ex attractu, etiam si rudiore, nec reliquarum partium vicinarum & remotiorum. *Attractu* vero durus & reniens percipiebatur, insimul sessilis, sive immobilis, nisi obscure & debiliter illo tantum medio ejusdem, & elatiore vertice. *Palpebrarum* dextri lateris *motus* contractorius & elevatorius pariter ac *facultas videndi* plane sublati, bulbi vero ocularii, corrugati, & complanati pars anterior, cum sua tunica cornea plane opacata, & albescente, inter tumorem superne dependentem, atque palpebram inferiorem depresso, prospiciebat aliquantum, elato & nonnihil remoto ad superiora per digitos tumore. In specie vero *palpebra inferior dextra* versus canthum oculi internum fuit insuper notabiliter tumida, dura, lividique coloris: & per transversam palpebrarum rimam, sive naturalem hiatum modicus destillabat aliquando *humor*, *crassescens*, lemasque affigens palpebris glutinosas.

§. 19.

Itaque *tumor* hic & *excrescentia*, *sebaceæ* ac *scirrhosæ* visus est

est Præsidii naturæ & extirpationis quidem difficultis, nec pericu-  
lo vacaturæ, sed tamen non impossibilis, vel omni spe boni suc-  
cessus destitutæ. Hinc operationi chirurgicæ ideo quoque  
magis subjiciendum reputavit, quod omnis spes pharmaceuti-  
cæ curationis exularet, certissimus vero metus immineret,  
fore, ut prægrandis jamjam tumor, in immanem brevi non  
modo excresceret molem, alterum sanum exprimeret oculum,  
nares comprimeret, quin vel tandem ipsum os occluderet,  
& in abominandum descisceret spectaculum: sed malignum  
quoque morem, atque naturam carcinomatis indueret, e quo-  
rum vero malorum, vel alterutro, vel utroque coniuncto mi-  
seræ patienti, tandem esset miserrime succumbendum.

Sed aures vellicabat Præsidi non tantum propria confessio  
ægræ, de mensium suppressione, jam fere quadrimestri, sed &  
nulla hinc consecuta chlorotica cachexia, aliave hinc redun-  
dantia mala, imò suspicionem graviditatis augebant abdominis,  
& hypogastricæ maxime regionis turgiditas, mammarum  
pleniior habitus, licet pressæ nullum per papillam redderent  
laticem. Unde serio & clam hortatus est ægram, ut si rem  
cum viro habuerit, candide aperiat, nec se discrimini vitæ  
operatorum autem futurum opprobrio committeret. Ast hæc  
non sine indignatione graviter tulit hanc suspicionem, sancte-  
que est contestata, sibi nunquam cum viris illegitimum in-  
tercessisse commercium, menses vero semper parcos fuisse ac  
vel postponentes, vel secunda, tertiave periodo demum re-  
stantes. Quamvis autem lubricis ejusmodi assertis plenam  
fidem adhiberi non posse meminerit Præses, tamen ob velox  
tumoris scirrhosi ac notabile incrementum, quodque brevi  
temporis spatio redditurum esset operationem chirurgicam  
vel omnino impossibilem, vel certe tanto periculosiorem,  
statuit, extirpationem tumoris & suscipiendam, & maturan-  
dam, omni adhibita possibili cautione.

Hinc, præparationis ad operationem gratia, præmisit lene  
Iaxans, unde quidem hæc mulier non nisi bis alvo mota est,  
& sequentem palverem una cum decocto pro potu, per septi-  
manarum bigam præcepit: & Iap. canc. præpar. 3ij. Rad. ono-

nid. ʒij. - ari vino præpar. - irid. Flor. ana ʒß. Tart. vitriolat. T. ʒj. Sacchar. lact. cryst. ʒij. Cort. chaq. ʒß. M. f. pulv. D. mane & vesperi tres cultri cuspides. ℞. Raf. lign. sassafr. ʒß. Rad. gram. ʒij. - bardan. - scorzoner. - acetos. ana ʒj. Fl. til. ʒß. sem. fœnic. ʒij. M. C. C. D. S. Stücke zum Trank, und das Pulver darinn zu nehmen.

§. 20.

Cum vero sub ipsa operatione de illis, quæ in aliis quoque incident, lipothymia e. g. & hæmorrhagia, hac vero ob multas tumoris venas varicosas in præsenti casu graviore metuenda, non modo prospicere, sed & in varios casus, & præcipue vel tumoris solius, vel bulbi ocularii una extirandi, cutis palpebræ superioris conservandæ ac decoræ olim cicatricis inducendæ &c. oportuerit esse paratum; itaque varia supellex remediorum, instrumentorum, fasciarum, spleniorum, linteis carpti &c. ante operationem instituendam decenter est comparata, atque ad promptum disposita usum. Scopo analiptico & temperante propinata sunt, aliquot horis ante operationem, & sub ipsa durante semel iterumque aliquot cochlearia: ℞. Corall. r. præp. Pulv. antepil. March. Lap. cancer. succo citr. satur. ana ʒij. Nitr. crystall. ʒß. aq. beton. - ceras. n. - violar. - bugloss. ana ʒij. Conf. alk. inc. ʒij. Sir. r. id. ʒvij. M. D. Summo mane etiam exhibita offa e jure carnis.

*Hæmorrhagiæ destinata sunt:* alcohol. spir. vin. crepitus lupi: spleniola quadrata e linteo quadruplici: linteum carptum, indigestum, sive, quod vocant, brutum: cauteria aliquæ ignita: Pulv. stegnoticus, ischæmus seq. ℞. Sang. Drac. Oliban. Tragac. ana ʒj. Farin. volat. ʒß. Terr. sigill. Siles. r. Bol. Armen. ana ʒij. Alum. crud. ʒj. M. f. pulv. subtil. cum album. ovi conquass. miscend. ante usum. S. blutstillendes äusserliche Pulver.

Ad usus secandi, exscindendi, separandi, abscindendi, ligandi: variii scalpelli, recti, falcati, in specie vero ancipites duo myrtiformes, suo manubrio firmiter, citra mobilitatem, conferruminati ac stabiliti: Volsella, quali in anatome utimur: hamuli: specilla sulcata: forfices, rectæ ac curvæ: acus ancipites,

pites, chirurgicae, rectæ ac curvæ, filum duplex ceratum trahentes. Lectus etiam in hypocausto, & juscula carnis calida iussa sunt parata haberi; nec non spongiæ, aqua calida, acetum, & vasæ ad sanguinem excipiendum.

## §. 21.

Itaque in sellam collocata muliere erecta, ex obliquo fenestrarum, ab assistente Chirurgo jurato, *Dn. Sturmio* ejusque famulo capite & brachiis firmiter detenta: E directo ac proxime assidens mulieri *Præses*, illius pedes inter sua comprehendit genua, tumque invocato DEI auxilio, spectante, me respondente & Dominorum Philiatrorum corona d. 27. Julii, h. a. mane hora octava extirpationem tumoris suscepit, ac intra quadrantem horæ feliciter perfecit, sequentem in modum:

Scalpello nimirum ancipite myrtiformi, quod citra cardinem junctum suo erat manubrio, incisionem cutaneam, proxime ad arcum processus orbitæ frontalis ab angulo externo fecit transversam ad angulum usque internum non modo, sed & super radieem nasi usque in angulum oculi alterius sani, itaque super totum scirrhosi tumoris dorsum: Dehinc similem cutaneam incisionem, sed perpendicularem, & quæ transversam illam in medio decussaret, inflixit, trium fere pollicum longitudine: Separavit dehinc quatuor cruciati hujus vulneris angulos cutaneos a subiecto & adhærente scirrho, diductisque per volsellas angulis hisce, ipsius scirrhosi tumoris radices separando a radice nasi, bulbo oculi, ejus musculis, & fornice orbitæ, prosecutus est. Magnum sanguinis, quod hinc successit ex apertis varicosis vasis, nonnullisque arteriolis, diluvium injecit aliquam secanti moram, in abstergendo & compescendo per spleniola, alcohole vini madida, linteumque carptum, in eo pariter imbutum, sanguine. Digitos tamen & scalpellum brevi denuo immisit cruento vulneri, & quam potuit caute ac celeriter stupendum hunc scirrum, integrum sine ulla laceratione radicitus ex ipso etiam orbitæ fundo digitis extraxit, atque extirpavit.

## §. 22.

## §. 22.

*Præstita* sic feliciter hac *extirpatione*, digo statim *explorare cœpit* ubivis, num occultæ forsan alicubi in orbita, angulis oculi, circa glandulam lacrymalem, vel alibi restitent tumoris radices, aut solitaria distincta tubercula? cum vero horum nihil quidquam, sed totam fornicis orbitalis partem diuidiam superiorem periostio denudatam, lœvem tamen ac pollitam detexisset, ad vulneris purgationem a grumis, quantum quidem hæmorrhagiæ metus permisit, orbitæ maxima nunc parte vacuæ, repletionem per linteum carptum, albumine ovi conquassato & pulvere ischæmo immixto, imprægnatum, ac spleniorum alcohole vini imbutorum, magnique splenii extimi siccii impositionem, totiusque oculi obligationem mediante fascia, quæ oculus audit simplex, properavit, ægramque in proxime adstantem lectum se componere, & jusculum carnis gallinaceæ jussit haurire.

## §. 23.

Sub initium & progressum operationis effusæ sunt e vulnera duæ circiter sanguinis libræ medicæ, sic ut extreme non tantum expalluerit mulier, sed & lipothymia proxima fuerit, quæ tamen debilitas & exhaustio plurimum adjuvit hæmorrhagiæ suppressionem. Post impositos vero plumaceolos ischæmos & splenia constitut torrens ille sanguineus. *Haud indolentem fuisse operationem* satis testata est ægra clamore & agitacione corporis, operatori molestis. Totum *extirpare oculum* videbatur supervacaneum, cum nulla tali labe laboraverit, post separatum illum tumorem scirrhosum, quæ sibi vindicaverit ulteriorem, longam, difficilem, novoque stipatam periculo operationem ac extirpationem. *Palpebræ superioris* vero *cuti* in separatione tumoris ideo parcebatur, ut ad finem curationis atque consolidationis duo vulneris transversalis labia facilius adduci, & nova caro generanda, quæ cavum orbitæ expleret, cute naturali palpebræ obduceretur pulchrius, quemadmodum & huic fini respondit eventus.

Quod

Quod vero tumor, œdematoſo - emphyſematicus viſus, palpebræ inferioris in ſuo extremo ad angulum oculi internum intaectus fuerit in operatione relictus, cauſa eſt, quod Præſes ſpem conceperit fore, ut ſublatâ jam per tumoris ſcirrhoſi extirpationem, cauſa gravitationis & compressionis, haec palpebræ inferioris intumefientia vel ſponte, & mediante vulneris ſuperioris larga, quæ expectari debebat, longaque ſuppuratione, ſit diſparitura, vel diſcutientibus facile diſipanda, vel & ſi duro nodo durus denique ſit opponendus cuneus, id commode reliquo fieri poſſit tempore, nec in mo- ra periculum ſit futurum.

*Tumor ſcirrhoſus extirpatus*, & a cruore adhærente purgatus pependit quinque uncias, ſive decem lotones, non ſumpto in computum plurimo ſanguine, qui ē tumore ac integumentorum vallis varicofis effluxerat durante extirpationis operatione. Coloris fuit albicantis, figuræ ir- regularis, tuberosæ, in medio antico, ceu bafi, fastigiatus, in poſtica autem facie conicus, apice coni, pollicis integrī diametrum complente, in fundum orbitæ directo, in lateri- bus versus oculi angulos inæqualiter tuberosus & quaſi proli- fer: nulla peculiari aut diſtinctâ cystide conclusus; uni- formis, ſubſtantiaſe ſolidioris, ſebaceæ, ac in latere basis co- nici tumoris aliquam partem cartilagineæ duritiei, quem- admodum & ipta aliquot vasa ſanguinea vacua, albida, tumo- rem hunc trajicientia, notabilem crassitiem cum duritie ob- tinuerunt. Nil vero quidquam organici, nullam vel glandu- lae lacrymalis vel muſculi veſtigium exhibuit:

#### §. 24.

Ipo ſequo, poſt operationem peractam ac ſubsequo die, con- tinuatio mixturæ temperantis, anallepſicæ, ac antiſpasmodi- cæ, ſupra deſcriptæ, una cum diæta tenui, abſtemia, frequen- tibus tamen juſculis carnis, chærefolio recenti medicatis, quiete corporis & animi, præcipiebantur. Famulus vero chir- urgicus die nocteque jufſus eſt agræ affidere, & num hæ- morrhagia redeat, invigilare?

Altero ab operatione die d. 28. Jul. circa veſperam prima vice ſolvuntur fasciæ, ac linteam carptum, præmissa vini

D

tepidi

tepidi ac spiritus vini irroratione & instillatione, caute removetur a vulnera, ac orbita eximitur ad ultimum usque stratum, quod ob metum revocandæ hæmorrhagiæ relictum est. Detecto sic vulnera ac orbitæ cavo, nulla secuta est hæmorrhagia: nullum in orbitæ osse, quod naturaliter affixam habet glandulam lacrymalem, bujus glandulæ vestigium: oculi bulbus cum omnibus suis muscularis illæsus: hic ibi in orbitæ parte concava, ac superficie, *periostii defectus*, os nudum: ossa vero orbitæ cuncta lœvia, albida, sana: margo frontalis orbitæ, prope angulum oculi internum, ubi cartilaginea tumoris scirrhosi pars adhæsit, sicut in ipsa operatione nudus, asper acutusve digito operatoris se stitit, ita & jam post ablationem impositi apparatus chirurgici, asperulus tangebatur. Incertum an ex levi carie, vel avulsa saltem cum scirrho portiuncula ossis? In subsequa vero tractatione nulla cariei symptoma se manifestarunt.

*Labia vulneris*, vicinæque partes pro more tument leviter. Nulla adhuc suppurationis indicia. Levem in vulnera ardorem ac tensionem sensit ægra, & nonnisi deppressorio ventriculi dolore queritur: pulsus tamen lentum habet ac debilem.

Munitur vulnus & expletur orbita denuo linamentis carpis, albumine ovi conquaßato, ac unguento digestivo ordinario, cui pulvis ille stegnoticus erat commixtus imprægnatis, locus vero orbitalis marginis asperulus spleniolo, Essent myrrh. sine sale alcalino parata irrorato, spleniis vero aqua sclopatoria imbutis, fasciaque. Exhausto, quod reliquum est prioris mixturæ, hæc sequens continuetur in sihoria, quantitate 4. cochlearium. Rx. Lap. cancer. citrat. Pulv. March. -- Pannon. r. c. ana 3f. Nitr. puriss. 3j. cort. chaq. 3f. aq. ceræs. n. -- beton. -- scorzon. -- scord. ana 3ij. Sir. papav. errat. 3vj. M. Proxima nocte hora decima sumat Theriac. cœl. Wirttb. gr. ij.

### §. 25.

*Die 29. Jul.* Nullum apparuit extraordinarium, vel morbosum phænomenon. Intumescentia labiorum vulneris aliquantum subsedit. Dolor ventriculi imminutus. Appetitus soli-


solidorum ac liquidotum magis viget. Alvus constipata. Pul-  
sus æqualis, & hesterno vividior. Vulnus obligatur ut heri.  
Relictum linteaminis carpti ultimum stratum, non extrahitur  
totum, sed forfice tantum circumciditur ac minuitur suspensa  
manu. Ad noctem præbeantur Liq. C. C. succinat. gt. xx. e  
mixtura heri præscripta, quæ & singulis sihoris solitaria repe-  
tatur. Præbeantur loco prandii pruna damascena exsiccata &  
cocta, ad alvum lubricandam: victus autem de reliquo sit te-  
nuis.

*Die 30. Jul.* suppuratione serosa incipiente, deligatio bis  
quotidie institui cœpta, & relictum huc usque ultimum lintei  
carpti statum, vino calente prius humectatum, nunc decer-  
ptum & exemptum absque ullo sanguinis fluxu.

*Die 31. Jul.* Hæc iterum multisque sequentibus diebus ma-  
ne ac vesperi repetita est deligatio vulneris quotidie. Suppu-  
ratio laudabilis succedit, facta deterione placida per specillum  
cochleatum, molli linteo carpto obvolutum, plumaceoli un-  
guento digestivo, aliquando etiam remixto cum Balsamo Arcæi,  
orbitæ vero ossibus petiola linea, essentia myrrhæ imprægnata,  
& bulbo oculi, per palpebranum commissuram prospicienti, &  
ob pristinum tumorem scirrhosum, plus justo prominenti sple-  
nium crassius, imponuntur, sicque sursum placide is reprimi-  
tur, ut in naturalem suam sedem, orbitam, se reciperet magis  
magisque. Nihil vel febrile vel spasmodicum, vel aliud quid-  
quam, quod malum portenderet omen, huc usque supervenit.  
Alvus etiam respondit, & cardialgia penitus cessavit.

### §. 26.

*Primi Augusti diebus portiuncula scirrhosi tumoris super for-  
nice ossium nasi relicta fabæ magnitudine, consumi tentata est  
insperso leni pulvere septico- e rad. aristol. long. ver. -- irid.  
Flor. ana 3j. alum. ust. 3ʒ. sed impatiens fuit vel lenissimæ hu-  
jus irritationis, quin incrementa capiens post aliquot dies,  
coëgit Præsidem recurrere ad radicalem excisionem mediante  
scalpello, quam vero in tertiam abhinc septimanam differre  
oportuit ob interveniens duabus vicibus erysipelas totius dextri  
lateris faciei, auriculæ collique, prima quidem vice levius, &*



brevi transitorium, secunda vero gravius atque longius, sed absque tamen præjudicio vulneris & suppurationis, quæ procedebant e voto. Propinata tum est sequens mixtura: Rx. Lap. cancr. præp. Conch. præp. Pulv. Pan. r. c. Nitr. puriss. ana ʒ. Cort. chaq. gr. XII. aq. fumar. -- scorzon. -- card. ben. -- nymph. ana ʒij. Liq. anod. min. H. ʒj. Sir. pap. er. ʒj. M. Ultimo insultu erysipelaceo feliciter superato, imperatum est seq. infus. theiforme, mane ac vesperi forbillardum, libræ dimidiæ quantitate, Rx. Rad. aristol. long. ver. ʒvj. -- ononid. -- sarsapar: opt. ana ʒj. Scob. lign. Sanct. ʒiʒ. -- sassaf. ʒvj. Fl. hyper. HB. melis. -- marrub. alb. ana ʒij. Sem. fœnic. ʒij.

*Die 23. Aug.* hactenus in orbita nihil quicquam de pristino tumore repullulavit, sed laudabilis caro succrescere, & vacuum orbitæ cœpit resarcire, ipsa vero orbitæ ossa longe maxima parte perstant adhucdum nuda. Assumit hoc die ægra Sal. cath. Angl. Unc. j. cum ol. destillat. fœnic. gt. ij. & hinc bis tantum alvo mota est.

#### §. 27.

*Die 24. Aug.* resecta funditus est non modo *portiuncula* scirrhosi *tumoris*, radici ossium nasi insidens, de qua paulo supra mentionem injecimus: sed & *tumor*, œdematoso - emphysematicus ab initio visus, *palpebræ inferioris* qui hactenus tantum abest, ut sponte & ab imposta aqua sclopetaria fuerit dissipatus, ut jam potius in nucis juglandis magnitudinem, & globofam assurrexerit figuram, sedulo exploratus, ac *scalpello profigatus* est. Specillo autem tenui ad latus hujus globosi tumoris, in foramen hians immisso, deprehensus est sinus recondere sub se arcuatum, juxta ductum palpebræ inferioris in medium usque hujus regionem. Unde immisit Præses aliud specillum sulcatum ad finem usque sinus, hujusque ductu immissa forifice optima subtili, discidit primum superexpansam tenuem cutem: dito exploravit apertam hanc cavitatem, multumque fungosæ carnis innidulantis partim dito expurgavit, partim scalpello excidit non minus, ac folliculum tumoris globosi, rubro live-scentis, primo diti attactu statim crepantis, & sincerum, quo fartus erat, sanguinem etustantis. E novo hoc vulnere modi-

cus

cus manavit sanguis, lintei carpti, & spir. vin. irrorati, impositione cohibitus. His expeditis vulneris superioris in orbita & palpebra superiore cura ac deligatio mox est subjuncta, omnibus ibidem phænomenis voto ac expectationi respondentibus.

## §. 28.

*Tractatum* porro est utrumque *vulnus digestivis, balsamicisque, superiore quidem ad optimam consolidationem tendente, aet inferiore rebelli, & ob repulluläsentem cito & copiose carnem fungosam, hic ibi indurescensem, valde suspecto.* Hinc circa Sept. initium longa & profunda satis *incisione apertus est totus*, qui carnem fungosam aluit, *sinus*, & excisa *omnis*, quæ recruduerat, *fungosi concrementi massa*, atque duobus *ferramentis ignitis* sic *repressa & suffocata*, ut inducta dehinc laudabili suppuratione, hic palpebræ inferioris longus & profundus *sinus*, quam optime, mediante primum oleo myrrhæ per deliq. parato, pulvillis instillato, dein balsamo Arcæi coaluerit intra tres septimanas, & consolidatus manserit. Proxima vero, quæ hanc unctionis operationem excepit, nocte, propinata ægræ est seq. Emulſio: *R. Sem. pap. alb. 3ij. - quat. frigid. maj. exhort. ana 3ß. aq. samb. - nymph. - cer. n. ana 3ß. bugloss. 3ß. M. f. Emulſ. Colat. add. Pulv. March. antimon. diaphor. ana 3ß. Nitr. puriss. 3ß. Sir. pap. alb. 3vj. D. reliquis diebus continuari jussum theiforme infusum.* (§. 26.)

*Sub reliqua* per Septembr. ad medium usque Octobris *tractatione* nihil obvenit notatu dignum, & femina hæc pancratice vixit, floridumque, sub vietu jam pleniore concesso, faciei colorem, vires habitumque corporis recepit plenissime. *Vulnus* quod super radicem nasi ad angulum internum oculi excurrebat, penitus, & æquali planaque cicatrice clausum, &, ne fœdam relinqueret eminentiam, solicite impeditum est, impositis *imbricatim* petiolis, e tenui serico nigro (Taffetas) incrustatis emplastro diapalmæ, & superpositis spleniolis, fascia oculi communi appressis.

## §. 29.

*Laudabilis firma, rosea, sensilis caro, e fasciculo conico muscularum*

sculorum oculi progerminans magis magisque *explevit vacuum orbitæ*, ipsam vero superficiem concavam superiorem ossium orbitæ nova membrana, ceu periostio, latiore atque latiore incremento perrexit obtegere. Lentius processit hoc negotium illo, sic ut externam vulneris consolidationem digestivis & suppurativis compesci & suspendi oportuerit, donec ossa fuerint undique perfecte membrana obducta.

Curaverat Præses jam inde a prima operatione & excisione tumoris scirrhosi, ut labia vulneris cutanea pulvillis, digestivo imbutis unguento, cuti suppositis, suffulcarentur, atque sic intempestiva & præcox accretio eorundem cum nova carne succretura, non minus ac eorundem limbi introversio præveniretur; Sed cum triduum peregre abesset, factum est, ut vulneris hujus labium superius parte sua anteriore concreverit citius pauloq[ue] inceptius cum producta nova carne supereilii, non satis scilicet elongata & complanata cutis illa parte, ut hinc in medio tumidula ac turgida quasi eminuerit tantillum; quæ vero laxior & eminens pars, uti successive impositis spleniis multum cessit, ita nullum est dubium, quin post aliquot menses, sponte penitus complanetur. Denique cum & *ossa orbitæ novo periostio tota essent obiecta*, & interna cavitas orbitæ laudabili carne undique repleta, & non nisi extima vulneris rima superesset consolidanda, hæc, utpote sicca tenui cuticula occalescens, bis lapide infernali defricari, & excitata hinc superficialis eschara abstergi tempestive debuit, unde *labia vulneris in totum & bellissime coaluerunt.* d. 18. Oct. h. a. & quatriduo post *domum reversa* est hæc mulier, ab illa oculi sarcina liberata, ac *persanata.* DÉO sit laus & gloria!


### §. 30.

*Arcus superciliaris pilosus integer suoque loco, palpebra vero superior cute sua naturali investita, persistenter post sanationem. Nulla ullibi deformis protuberantia. Bulbus oculi, jam ante operationem suscepit contractior & splendore suo cornæ privatus, infra pendulus se retraxit aliquantum versus orbitam, & palpebra superiore tantum non totus est obiectus: palpebrarum, superioris & inferioris margines, sive tarsi, servarunt*

varunt naturalem suam arciformem extensionem, citra omne vel ectropium vel entropium. Musculi hujus oculi quatuor recti conjunctas vires & actionem retrahendi bulbum, plus semel insipienti comprobarunt illibatas, tam sub ipsa periodo suppurantis adhuc vulneris, & orbitæ nondum carne nova expletæ, quam post plenariam consolidationem, ubi bulbus ipse oculi aliquando retrahi conspiciebatur. Imo vero & glandulam lachrymalem cum suis ductulis excretoriis adhuc *in salvo esse*, licet sede sua naturali motam, videbatur arguere haud obscure, quod durante hac cura, & post vulneris artificialis consolidationem, per distinctas vices lachrymantis mulieris ob dolores e. g. sub cauterisatione perceptos, aliâs etiam propter suspectæ graviditatis opprobria, verum lachrymale liquidum ex interiore palpebrarum sede per genas exundaverit. Unde, cum liquidum hoc lachrymale, in sua glandula secretum jugiter ac super bulbum oculi excretum non perpetuo superaverit tarsum aggeres, oculumque, quem vocant, plorantem effecerit, recte inferri putamus, quod & reliquæ lachrymarum viæ per puncta lachrymalia &c. manserint integerrimæ. An vero *palpebræ superioris motus elevatorius*, qui hucusque abolitus videbatur, sit redditurus postliminio, & de integritate sui musculi elevatoris testatura? tempus docebit. Nos certe nec curamus, nec optamus, sed mallemus constanter potius obiectam manere difformem oculi bulbum.

Dimissæ post plenariam curationem mulieri suasum est, ut, sepositis quidem jamjam omnibus spleniis ac fasciationibus, orbicularem tamen pannum sericum nigrum, emplastro diapalmæ obductum, floreni magnitudine, impositum gestet, ac subinde renovet, minimum totâ imminentे hyeme, ac ab aëre frigido arceat oculum: ipsius vero Magistratum per literas certiorem reddidit Præses de fama & suspicione graviditatjs, quam incurrit hæc mulier cœlebs, ipsique legitimam commendavit inquisitionem & curam.

T A N T V M!



NOBILISSIMO AC DOCTISSIMO  
DN. RESPONDENTI  
PRAESES.

**V**acuum, quod ad calcem dissertationum aliquando relinquitur, moris est explere Dominorum Respondentium encomiis. Haud invitus huic mori & ego morem gero, dummodo ipsi à studiorum atque morum laudibus non fuerint vacui. Qui enim in curriculo suo academico strenue ac laudabiliter ad metam contendunt, laudum pariter ac commendationis laurea merentur coronari. Id vero Te in nostra non tantum, sed & Argentinensi Universitate sedulo egisse oculis auribusque meis exploratum habeo. Præter reliquos igitur Tuos in literis physico-medicis profectus, quos nuprime comprobasti in exantlatis summa cum laude publicis examinibus, illos etiam tanto magis laudo anatomicos atque chirurgicos, in specie in Embryulcia, quo minus hæc studia vulgo coli solent pro dignitate ac summa, quam præstant, utilitate. O felicem itaque Patrem, cui talem gratulari licet filium! sed & felicissimum filium, cui talis obtigit Pater, qui filium a teneris unguiculis non destitit talibus morum atque literarum præceptis, imo & Suo Ipsius exemplo imbuere ac confirmare ut, quæcunque erga DEum, proximum atque Se ipsum subeunda sint officia jam non intelligat magis, quam masculine perficere valeat ac ornare. Quæ ut læto successu eveniant animitus precor, officia spondeo & benevolam mei commendo Tibi memoriam.

